

80後港女竊聽捉姦

唔好以為只有閩太先會幫襯私家偵探，據 Jeffrey 表示，而家80後嘅客人比以前多咗。「而家好多80後嘅夫婦因為出面誘惑多，所以出現好多問題，而且而家嘅80後都比較有錢，所以都多咗人搵我哋幫手！」經 Jeffrey 介紹，「公測站」搵嚟2位80後客人，佢哋都係請私家偵探利用偷拍及竊聽技術，識破伴侶不忠！



Case
1

Jessica 27歲 文員

「我同老公結咗婚5年，但前排發現屋企有啲唔妥！女人直覺好準嘍嘛！但我成日唔係屋企，試過 check 佢手電，但冇發現！點知有日我喺床鋪執到幾條唔係我嘅女人頭髮，嗰刻真係成個人癲咗！有諗過離婚，但冇證據，於是搵咗偵探社幫手，佢哋喺我屋企不同角落如衣櫃、掛牆畫裝咗幾部 cam，但全部望落去同家電冇分別，老公根本唔會發覺。之後睇番條片見到真係有女人上過嚟，佢都認咗，雖然最後原諒咗佢，但嗰幾部 cam 都繼續喺屋企，冇拆到！」



Case
2

Joanne 26歲 全職煮婦


「我嘅 ex 以前同我同居，但成日靜雞雞匿埋講電話，我懷疑佢出面有第2個，又 check 唔到佢部電話，因為 iPhone 都 set 咗密碼！我聽朋友講，只要攞部 iPhone 去改，就可以收晒佢所有來電同 messages，雖然貴，但我真係忍唔到，半夜偷偷地攞佢部機去改。1日之後我已經知道佢出面收埋咗兩個女人，重喺其他女人面前講我係八婆！有晒證據，佢都冇得唔認。」

其他鬼馬竊聽器材

除咗前文嘅 iPhone 改裝技術外，Jeffrey 話其實身邊好多日常用品都可以改裝成竊聽器。「而家大部分偷聽或偷拍工具已經二合為一，變成偷錄工具，收音重好清楚！而且重可以偽裝成普通嘅家電及日常生活產品，例如掠衫鈎、電掣、掛畫等等。」以下就係部分經改裝嘅器材，令人眼界大開之餘，亦頗令人心寒，原來被人偷拍/聽咁容易！

攝錄口膠盒

原來香口膠都可以裝到鏡頭！呢款香口膠只要打開包裝底部，就有1塊晶片同記憶卡，可連續收音錄影兩個星期，食食下糖都會隨時被人偷拍到呀！



鏡頭隱藏喺公仔手臂上(細圖)。

打開香口膠盒底部，其實係一部偷拍器。



針孔手表

呢隻手表望落去冇乜分別，不過就具備收音同錄影功能。鏡頭就喺鏡面下方，都幾難發現！



聲畫雙偷油畫

好叻咗！一幅畫原來都暗藏玄關！但嘅鏡頭隱藏咗喺畫入面，表面只有針孔大小，所以影唔到俾大家睇，而背面係接收器(紅圈)。但同樣具備錄影收音功能，適合放喺屋企用，擺出街就係咁方便喇！




偷拍衫鈎


平平無奇嘅掛衫鈎都可以係偷拍裝置(紅圈)，除非戒心好強，否則都好難發現！

專業竊聽器

呢部俾警方同間諜用嘅專業竊聽器，大細只有1隻手指頭咁大，只要將有效 SIM 卡(即隨街買嘅 SIM 卡也可)放入，再用另一部電話插插咗竊聽器嘅 SIM 卡號碼，一通線就可以聽到竊聽器附近環境嘅聲音，而且備用特長電池，可連續竊聽1個月！



專業用竊聽器只比手指頭大啲，但勝在備用時間特長，而且收音極清！



放入有效 SIM 卡，用另一部機撥打，就可以接收到偷聽器附近環境嘅聲音。